

又

雪嶺皚皚南接燕穿山渡水我因緣一朝得達長  
春境香滿琳宮結瑞煙

庚寅年正旦閑吟一韻十絕

談玄論妙話頭清意曲心迷轉不明盡道利他全  
至德何曾損已半分行

又

劫運殘傷氣未清天開眾善漸分明羣生普化歸  
真教萬象光輝合度行

又

道藏輯要

葆光集

六

胃集十  
又上川

萬籟沉沉一氣清三陽赫赫九光明人間榮顯非  
吾願頗愛存心靜處行

又

寸心不昧氣長清舉意無私道漸明十載行周三  
界上一時功滿九天行

又

物外閑吟別是清磨開慧刃道心明萬花叢裏披  
衣卧百尺竿頭進步行

又

至道夷然極目清縱橫無礙四方明時人未信真  
空路試與閑

人作伴行

又

仙宮紫府有餘清  
閬苑瑤臺眼界明  
六六洞前乘鳳過  
三三天上步雲行

又

天無覆翳朗然清  
聖帝眞王日月明  
共喜鬢斑該詔下  
太平國內自由行

又

長春景物自然清  
西閣東臺四望明  
羽客仙官交互轉  
蓬頭了髻往來行

道藏輯要

葆光集

七

胃集十

又

了道眞仙萬古清  
垂言立教訓聰明  
上人得意忘言坐  
終日騰騰獨自行

庚寅年通仙觀醮罷復迴以詩別道友元帥監軍

久厭人間酷愛山  
山中分薄又東還  
功虧未免隨緣轉  
猶自區區不放閑

又

徘徊數日戀西山  
書數相邀便索還  
自歎鬢斑年已老  
人情仍未許教閑

又